

Guangjisi Minzcu Bau

ganhau: CN45-0036 B.2017 Nd.10 Ng.25 liggaeuq dingyoux nienz ndwengouj coloeg

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3296期

Fwen Ciengqyiengj Seizdaih Moq 山歌唱响新时代

Ndwen 10 ngoenz 22, aenhoh fwen hagsib senhconz gij cingsaenz Cibgouj Daih “fwen ciengqyiengj seizdaih moq” youz Guengjsae Vwnzlenz、Aen Hezvei Vwnzyi’gyah Ndaubiengz Guengjsae cawjbanh haenx youq Namzningz Sinhsiu Gunghyenz banh. Gyoengq canghfwen daj Guengjsae gak dieg daeuj haenx caeuq Namzningz siminz yungh habciengq fwen、doi fwen daengj fuengsik gejgangj diemj-rongh gij baugau Cibgouj Daih dangj, doenggvaq gij hingzsik youq ndaw guh’angq son neix hagsib senhconz gij cingsaenz Cibgouj Daih.

Gyoengq canghfwen yungh 10 lai cungj diuhfwen lai dieg Guengjsae

doenggvaq doiq fwen daengj hingzsik, yungh fu beij hwng soujap hingzsieng gejgangj gij neiyungz ndei baugau Cibgouj Daih, yiedcingz danqhaenh gij cingzcik ronghsag Cibbet Daih doxdaeuj aeundaej haenx, gangjok gij cingz ceiqheiq lwg Mbanjcuengh mbouj lumz aen simmuengh daeuz, geiqmaenh sijmingh, yien fwngz byaijhaeuj seizdaih moq. Singfwen goksasa yinx ndaej Namzningz siminz gaenxmaenx camgya, foenfoen hwnj-daiz caeuq fwenvuengz doxdax. Danz Vwnzsenj bouxyaez fwen ban 90 caeuq fwenvuengz doiq fwen le angqyangz naeuz: “Fwen dwg gij vwnzva minzcuz maenhndei raeuz,

yungh cungj hingzsik mizyinx sengdoengh neix senhconz gij cingsaenz Cibgouj Daih, ndaej hawj raeuz roxyiuj fwen moq caeuq doiq gij baugau Cibgouj Daih miz roxyiuj engq laeg.”

Baez hoihfwen neix le, gyoengq canghfwen yaek yungh gij hingzsik sawfwen caenh’itbough senhconz gij baugau Cibgouj Daih dangj, vih gyoengq bouxyaez fwen gak dieg daengx gih daezhawj bonjsaw fwen hagsib gvancez gij cingsaenz Cibgouj Daih, yungh naengzliengh fwen bang doi Guengjsae gak dieg hengzguh gij cingsaenz Cibgouj Daih.

(Linz Seznaz)

SIUSIK DINJ 简讯

● Ndwen 10 ngoenz 18 banhaemh, Sihlinz Yen banh “cien duenz fanh ciengz” vunzlai vwnzyi comzyienj, vanjvei hozdung hingzsik lai yiengh, miz vaiqbanj、siujbinj、langhbaij minzsuz minzcuz daengj lai loh yisuz ndawbiengz, gyoengq bouxyienj doenggvaq ciengqgo diuqfoux, yungh doenghgij fuengsik daegbied bonjfaenh neix gangjok gij cingz angqyangz gyoengq beksingq dieggyae diegbya angqhoh Cibgouj Daih dangj hai ndaej ndei.

(Vangz Yenginz)

● Bineix daeuj, Ningzmingz Yen Segohlenz、Gohgigiz、Gyauyuzgiz daengj bouhmonz gaenxmaenx cuj-ciz bouxguhong gohbuj, yawjnaek haeuj ndaw gyoengq bouxcoz nyezrauh bae cienzdoh gohyoz cihsiz, sonyinx bouxcoz nyezrauh camgya gohgi saedguh, gujli bouxcoz nyezrauh gyaenz gohyoz、hag gohyoz、yungh gohyoz, cienzboq gohyoz swhsienj, fatyiengz gohyoz cingsaenz, cau ok gij heiqaenh cauhoq, roengz-rengz gungganq gij vunzcaiz suciz sang habngamj yen-daiva hwnjguh.

(Cauh Yizganh Gungi Swghinh)

● Ndwen 10 ngoenz 18, Swcigih Gaugap Yinzminz Fazyenz fuyencangj Linz Yidangz daengj bae Lozyez Yen haiguh aen hozdung ngoenzbanggunz bi 2017, giethab gij cingzgvang saedsaeh mbanjungzhoj aen yen neix capyouq ndaw mbanj haenx, gien 104 fanh maenz hawj 5 aen cunh Dungzloz Cin.

(Banh Houzyin)

● Geij bi neix daeuj, Yungzsuij Myauzcuz Swciyen doenggvaq gij vunqsik “gunghsw+hghdi+hozcozse+ranzungzhoj” sonyinx ranzungzhoj youq ndoeng faexcuk roxnaeuz nazfwz ndaem raetrablaz 1000 lai moux, bi gai ndaej daengz 1200 lai fanh maenz, bang doi ranzungzhoj laisou baenz miz.

(Lungz Linzci)

Yungzanh: Seizcou Langhbaij Swjcan



融安:金秋 秀旗袍

Ndwen 10 ngoenz 21, Liujcouh Si Yungzanh Yen banh “gij yienz mbanj makgam·gij cingz swjcan” langhbaij swjcan hozdung, geij bak boux bouxyaez swjcan daj Yungzanh、Yungzsuij、Luzcai daengj 4 aen yienh daeuj haenx, yungh “seiqgeiq Dahyungz-gyanghai” guh cawj-daez langhbaij gij yinxdaez daegbied gak cungj swjcan, yinx ndaej haujai vunz daengx din yawjngonz. Ndaew doz dwg bouxyaez swjcan cingq langhbaij swjcan.

(Lungz Dauh)

Vanzgyangh: Yungh Fwencuengh Senhconz Gij Cihsiz Fuengz Bingh’aiswh 环江:用壮语山歌宣传防艾知识

Vih caenh’itbough hawj gyoengq vunzlai roxyiuj gij cihsiz fuengzyw bingh’aiswh, gyagiengz gyoengq vunzlai gij yisiz gag baujgen, gyangqdaemq gij yungyiengj baenz bingh’aiswh. Mboengqneix, Vanzgyangh Mauznanzcuz Swciyen Veigiveij banh Fwen-cuengh doiq ciengq doxdax, ca mbouj geijlai 600 boux vunzlai yienhciengz ciepsouh fuengz bingh’aiswh cihsiz

senhconz caemhcai lingxaeu doxgaiq yungh daeuj fuengz bingh’aiswh caeuq senhconz swhliu haenx.

Hozdung seiz, aen yienh neix veigiveij cingj canghfwen Aen Hezvei Fwen Cunghcouh vunzlai haengj yawj gyaenz dingq haenx daeuj camgya doiq fwen doxdax, gyoengq canghfwen yungh Fwencuengh dangdieg doengsug rox ngaih haenx, senhconz gij sienghaih、

roenloh cienzboq caeuq banhfap fuengzre daengj bingh’aiswh. Gyoengq bouxguhong lij yienhciengz doxlwnz senhconz gij cwngeuz banhfap fuengzyw bingh’aiswh, cienzdoh fuengzyw cihsiz, iuheuh gij saedceij fuengsik cangqheiq, hawj gyoengq vunzlai roxyiuj fuengz bingh’aiswh, daj goek-gaen gemjnoix cienzboq bingh’aiswh.

(Veiz Yui/韦睿)